



敦
良
吉
齋

詩
存
二
卷

光緒丙午集虛草堂校聚張文運於



集虛草堂

敦艮吉齋詩存目錄

第一卷

古今體詩二百七十二首

起道光己丑至丙午

第二卷

古今體詩二百五十九首

起道光丁未至同治乙丑

附補遺十四首

國松既校刻徐毅甫先生文成復取其敦艮吉齋詩

存二卷重刻之詩存為先生所自定稟同治五年果

敏公英翰刻於潁州十年再刊於皖光緒十二年其

嗣君源伯復台文存四卷鈔版於家至是凡四刻矣

敦艮吉齋詩目錄

一

集虛草堂

往仁和譚仲修大令宰吾邑時最錄先生詩暨戴子

瑞學博家麟王謙齋典簿尙辰所作為合肥三家詩

鈔嘗鼎一臠固未足饜來者意也國松嘗竊疑吾縣

自國初龔端毅李文定父子皆以詩名天下鄉里

後進必多漸染成就於風雅之塗者徵之故家殆罕

傳集獨先生崛起道咸之季與戴王二老狎主壇坫

聲譽流聞論者謂先生詩與文兼勝而詩尤極其詣

力足以上繼龔李稱後勁焉豈前此無其人邪抑雖

有之而文字零落世不知邪然則刊布遺編以永其

傳是誠後起者之責也光緒三十一年秋八月癸卯



鄉後學李國松謹記



敦艮吉齋詩目錄

二

集虛草堂

敦艮吉齋詩存目錄終

敦良吉齋詩存卷一

合肥徐子苓西叔

出南門行

道光己丑

朝出郭南門朔風頓長轡道逢游俠兒露刃血相視郡
縣守簿書摘發但微細斲鑿雖云嚴三尺難遠志斷虺
須及早投鼠豈曰易栽桑勝栽棘棘刺使人畏桑樹結
子甜子甜鴟鴞醉作歌告司牧何以勤撫字

派河

騎驢下斷坂雨腳亞天際曖曖秋陽昏早月菰蒲細顛
蒙坐天譴蕩析骨肉瘁望雲淚頻滴顛倒失鞭轡躑躅
尋前塗勞鞅此焉憩

敦良吉齋詩一

一

集虛草堂

春晚歸自西岡田舍

松梢一痕月迢遞遠山青灌莽出人語深溝聚亂星風
燈驛亭暗野草露華馨斗覺鐘聲動山門應未扃

戲題石佛寺壁

朝授牧兒書暮依石佛居長杉霽春雨晴翠落階除習
靜安元牝狂吟打木魚不曾愁寂寞來往有樵漁

白玉篇呈劉安邱先生

白玉匿奇采穴居崑山陽幸承哲工眇得登夫子堂拔
士自隗始旁觀爲激昂洛陽方少年王粲姿不揚浮筠

埃追琢內美任行藏知音世所難誦古思頡頏

田氏園夜坐懷嘯公

庚寅

滅燭聽鴻過數聲霄漢閒鑪香釀花氣窗月浸盆山好
句斷中續奇文愛處剛欲尋道林語多恐掩柴關

寶劍歌贈郭仰林

噫吁嘻龍泉太阿本神物薛燭風胡坐超忽風雲際會
若相待二子風流今安在君家壁上白龍子秋水澄澄
吹不起刻玉範金裝作柄飾以寶珠光若鏡北斗七星
芒角正海內幾人足持贈希世之珍識者少市兒都說
鉛刀好勁鋼還防寸寸折白日青天見毫髮莫教浪飲
仇人血張華雷煥皆世儒專諸聶政非吾徒但願年豐
歲稔兵革無劍兮劍兮吾願與子蟠屈於泥塗

阿芙蓉行

藥有阿芙蓉流傳自海裔中土盛服吸貨者儼列肆熒
熒一星火毒燄燔天地是應名食妖開闢無此祟 國
家務通商漏出轉數倍舊市北地硝熟習中華字滄溟
積水闊關塞諳形勢羣飲峻周典游博嚴漢制有明絕
番香龜鏡在前世輶軒儻下采葑菲參末議

暑霽同嘯公晚憩北原有懷郭四仰林王大伯筠
斷雲天半著橫絕如崩厓朱霞翼太陽餘光鬱徘徊大

敦艮吉齋詩一

二

集虛草堂

師發高詠逸興凌蓬萊時平盛文物空門亦多才有誰
知惠遠可以方鄒枚浩歌信所適穿林窮水涯歎與萬
象俱惜少二妙偕林壑要主張後會毋當乖

余忠宣公祠下作

元綱蹶長駕羣盜紛如麻公也起苦廬誓眾開高牙儲
糧寘屯田卻敵懸飛車幽冀借聲援江淮資蔽遮譚經
虎帳下貔貅靜不譁孤拳支六周碧血埋一家鐵木起
沙漠殺運開中華薄祚無壽君晚政尤紛拏秦廷儘指
鹿晉帝惟聞蛙英賢際末流橫死殊堪嗟遺文輝萬古
理窟揚天葩慙無靈醕薦悲歌擊馬槌

敦艮吉齋詩一

三

集虛草堂

惱蠅

拔劍逐不去綠灰死復蘇慣嘗中尉糞愛拂大參鬚積
矢終成兆奇珍翻見汙也能隨赤驥袞袞上雲衢

六安城樓呈安邱先生

負笈龍門峻馮欄雉堞開地連廬子國山峙漢皇臺獨
客驚秋早長風挾雨來蒼茫望潛霍高處一徘徊

贈伯筠

辛卯

白石生來潔白雲無古今須知車笠誓不入向禽心五
嶽從君老雙聲伴我吟今宵花樹下濁酒莫辭斟

啄木

萬物各有蠹蠹深傷木心翩飛殊不惡巨測總成擒斑
裼懸長喙紅裳映禿襟鳳凰雖大聖應亦愛微禽

東樹

道旁老棗樹秋熟子離離角銳心全赤肌多味比飴山
中千戶奉海上百年期勁質無斜理爲輪用最宜

包公墩謁孝肅遺像遂尋馬忠肅祠堂故址

賢俊關天地修舉賴有司孰謂古人遠典型方在茲慶
厯多君子一德開良時屈軼當堯階百工懷素絲直異
汲家慧政有公孫慈棧稜秋岳骨藹藹春雲姿薦紳說
閻羅險怪殊堪嗤豈有曾閔徒而爲酷吏師幽幽菱芰

敦良吉齋詩一

四

集虛草堂

香亭亭新荷枝中流叩漁榔高詠郡齋詩我欲薦溪毛
坐惜丹腹鼓披榛厯崇岡顧瞻馬家祠低徊問古老夷
削無人知少保鬱經濟父子皆魁奇草萊識公輔談笑
清邊睡淮甸阻大江旁薄英靈滋死者不可作怛然念
烝黎

獅子井尋閭處士

茅蓋枕積土繚之黃泥牆荒城環其西孤驛臨其陽上
有礪礪木白雲橫青蒼下有幽人廬繙經坐繩牀幽人
長苦饑井水清琅琅斷肘石狻猊卻據胥井旁周遑阻
良覲迂回陟陰岡朦朧西墮日槿籬斂殘光有馬帶官

印悲吟飲寒塘駿足苦羈絆毛焦神自昂志士蟠泥塗
身素名亦藏從來瓌逸姿多在冥冥鄉

石榴樹歌

我家庭前石榴樹怪如老梅顛於松兩幹一死一猶活
粗皮剝蝕根生蟲孤柯飄搖歷西域異味醞釀傳南中
柴門幽阻免薪伐赤心不媚蜂蝶慵驕陽苦雨煉成實
絕無酸態羞天公君不見春蘭遭焚桂蒙蒙蠹榴兮結子
青如故

惠政橋行爲王伯筠作

惠政橋頭石齒齒惠橋邊一漉水道光辛卯孟夏交

敦良吉齋詩一

五

集虛草堂

陰雨騎月鬼晝號橋頭水斗千尺高霜寒木落秋潦降
斷隄殘月光搖搖城東王生載斗酒醉踏長橋問秋柳
呦呦城城復唧唧旋風撲人毛髮立快哉王生身手健
背負一物躍如電兩岸昏黑不見面索火燭之沃以水
白髮老嫗忽生矣作糜舖之膳以米布衣之力止於此
噫吁嘻布衣之力止於此作歌之人徐叔子

三鰈草廬歌贈蔡守愚

荒城一角紅葉枯天王寺裏響木魚青溝水疾流鳴嗚
落日正照三鰈廬老鰈詩筆秋天鷹兩季灑落以酒名
酒酣邀我爲作三鰈行君不見守宮之狗耕田牛雲中

鳳凰桑中鳩龍蛇虎豹以匹儔頸交尾接中情柔相親
相愛相綢繆一日不見鳴相求君不見妬壘護疆羣野
雞一雄驅使八九雌保蟲之長有定配合佩同繇原古
制君年五十頭總白手抱枯桐但沈醉夏無帷帳冬無
被弟兄縱橫草中睡時平詞賦不值錢蓬中槁死誰人
憐爲君三歎書問天

謝王太學惠書帶草

壬辰

有草青連蜷形狀儼如帶通中白理直長者數尺大故
人持惠我珍重比金薤此非場圃物植之茅齋外叢聚
延秋陰搖曳散春靄實異邵侯瓜名齊諸葛菜漢氏學
近古鄭公儒者最嘉翫自昔賢誰能不相愛青衿嬉城
闕澤宮典型壞傷心尊經閣灌莽雜蒿艾因君貽芳草
覽物一悲慨

贈地師蔡恬安

司空辨國邑兆域有常制執度相原隰水泉分向背雖
嚴請墓文實具前民志井田綴廬舍豪奪亦無地土膚
氣上升三代重廟祭青烏仙者流相冢創凡例乃以枯
骨體種出子孫利望氣識連繖決脈知斷臂流染雜譌
種靈或假卜筮蔡子仙之徒方臚抉膜翳日噉萬鬼穴
夜算九州勢乾坤分兩戒邱隴若鱗次纍纍古道旁大

篆青石賦一過再過閒翁仲草閒睡珠襦帝子陵阜衣
鐘鼎系祖龍澗重淵傳祚僅二世茫茫大瀛海與宇天
所祕宇宙三不朽聖賢每絕嗣祿葬達士懷裏革吾曹
志一事還笑君幾兩屐徒費

哭阿健五首

我歸爾在牀面垢蝨滿頭勸爾進勺水舌橋雙淚流辛
勤肄瓦卦荒唐陳秦箒巫咸不下招盧醫亦倦投驅車
舍爾去去去懷百憂昨者復來歸問言爾已瘳漸漸扶
牀起老米蒸浮浮咄咄旦夕聞人鬼長悠悠敢行待明
發瘞爾南山邱

敦艮吉齋詩一

七

集虛草堂

爾父病久廢腳孿腰反榮竭者聞爾死氣塞雙目瞠孟
夏苦淫潦檐溜無時停屋漏四壁穿一縷燈光青塊然
窮獨叟白髮垂鬢鬢有氣僅絲絲憶爾猶咿咿嚶嚶亦
何極眼枯血淚零魂兮爾有知涕泗應縱橫

爾有同懷姊煢煢隔遐方爾弟拙生計行役靡獲康爾
病果伊何習苦筋力傷風雪犯爾膚愁毒煎爾腸如樹
根已撥暫榮必速僵悠悠夜臺路行者不裹糧游戲隨
青烟飄搖覽大荒亦無冰雪寒那用衣與裳生兮悲無
極死兮樂未央

鳶兮爾何仇蟻兮爾何親豈無白石棺肌骨終灰塵編

蘆薦爾尸寫位安爾魂麥飯堆滿孟苜蓿垂闌千奠爾
一觴酒爲爾歌路難死者長已矣生者摧肺肝

我生髮未燥爾長負戴之旣長就博學黽勉供瓜梨飄
風蕩覆巢孤雛無安棲徬徨走四野獨爾長追隨朝餐
谷堅冰夕臥棖破扉低頭執百役跟跲無後時勸我早
力學毋爲悲流離流離尙依然爾行永不歸投筆呼蒼
蒼淚下如連絲

西原歎

琉璃八角銀作臺隱囊臥褥相對開海外靈膏老鴉翅
象牙小合蘭麝味錦衣兒郎貴家子愛逐秦宮同臥起
東輪西魄出復藏短檠巧奪日月光擣菹絃索未遽央
君不見街頭昨日拆大屋高棟長甍一齊鬻金釵賣盡
奴婢去小妻怒傍人家哭草頭富貴能幾何西原風疾
青燐多

官媒婆詞

夜叉弄狡猶幻作美人妝野狐銜媚珠歎唾春風香灼
灼官媒婆羅衫繡襖媒婆年幾何卻老有秘方媒婆
家何許曲巷雙垂楊媒婆夜召客咄嗟華筵張白馬珮
瑚鞭翩翩游冶郎寄語緹縈女毋爲來公堂

飯樹謠

癸巳

敦良吉齋詩一

八

集虛草堂

大婦作人婢大男作人僕提攜二齡孫日仰粥厥粥粥
冷冷於冰粥稀不見粟官吏揚鞭箠威嚴那敢觸不如
道旁樹盡飽無拘束朝朝飯飯樹皮枯暮飯樹頂禿使君儻
垂照流恩及草木

饑婦詞

稊稊嬉春風雌雄相對飛啄蟲不自食哺子桑樹枝桑
枝青婀娜黃口日以肥同生堯舜世我獨非烝黎輿夫
夜在門月瘦燈光低嬌兒故慙跳索乳懷中啼亦知就
乖張且復相抱持抱持聲暗吞去去天一涯淫水屢降
割誰道皇穹慈母在兒共死母去耶不饑牀頭絮敗襠
架有青臂衣眠食順耶意冷暖毋嬌嬉地下卽黃泉見
汝當有期毋爲苦相憶掩泣從此辭

郭仰林壁上潯陽圖歌

朝卻襄陽使暮贖魏徵宅三台星隕天柱拆宮臣言事
職匪越元和聖主容諫鍼九重愛讀秦中吟井水特地
波瀾生一朝貶向江州行是圖畫手不草草楓葉蘆花
筆俱老潯陽賈婦白髮新四絃亦自名千春鸞臺鳳閣
爾何人猜猜赤舌天所聞

醉歌三首贈子固

銅龍瀉酒如天漿玉壺錦瑟歌揚揚繞牀大叫催行炙

敦良吉齋詩一

九

集虛草堂

黃鸝對語春風香金谷樓臺付塵土元家胡椒竟何補
鯤鵬蚯蚓各有適白璧明珠遑論直臣也真堪飲一石
在天願爲細縵使在地願爲諫議官丈夫安能學狐媚
一言旣合披心肝大開閭闔驅虎豹糞壤爬剔登椒蘭
詠歌熙熙三代上四海老壽無饑寒酒闌頓足拂衣舞
零落棲遲淚如雨獸能觸邪草指佞我獨何爲守環堵
連日南風刮人屋滂沱一雨窪膝足緇泥盤盤沒我髀
農夫笑歌行子歎甘羅一攬轡唾歛生長風馮衍晚放
歸尋常一老翁鳳凰饑不啄腐鼠野蛟有角居然籠北
斗酌元氣兩丸跳盪西復東五嶽四海蟠其中劉伶已
死吾焉從

敦良吉齋詩一

十

集虛草堂

白鶴觀謁老子像

宇宙日多故達者珍其生遂使山澤閒別有神仙名古
觀薄層霄鐘磬朝百靈雲荒鶴亦去曉日松杉青真人
踞高座玉色方臚晶犀簪綰素髮參牛橫天庭依然隱
君子足見古性情由來昏濁朝志士甘沈冥官繫周柱
史書約蒙莊經矯掌望螭駕歔喻思飛騰婚嫁苦難畢
衣食紛多營小蛾甘促景神龜縣修齡行當謝塵事試
鍊區中形

黃山歌送張蘇門還濡須

蘇門先生黃山來解裝示我黃山圖云將別我還舊廬
我聞黃山奇峰三十六下流匯長江舉足便可凌天目
中有神湯勝紅玉浮邱仙去丹竈空今之游者蘇門翁
先生嗜山入骨髓將身寫著懸崖裏袖把白鵝頂上雲
笑指朝霞寺前水準向江頭別妻子五嶽之游浩方始
黃山歌送君去風帆料峭江天樹他日相逢定何處

燈花二首

風輪運大塊散作花萬種蕭然老木檠繁葩忽紛氍烈
燄燒愈開閃爍珠躍蚌是孰使之然有物默相總龍從
火中出此語非鑿空

敦艮吉齋詩一

十一 集虛草堂

斗閒有七曜南北判生殺生殺無停機元精禪不歇大
千一火傳金石有時裂太陽疲久照烏兔互出沒渾沌
無象中中有不死訣

贈高謝塵

洙泗三千徒閔氏以孝聞悠悠百代下夫子今其人
大文鬱逾耀精錮鍊彌純履霜切遐慕滌淪先羣昆常嚴
一介義闇行不辱身用子作黼黻百寮肅垂紳坐子端
委旁可使風俗醕義軒執一術周典崇三升吉士藹王
朝鳳凰鳴朝暎鳳鳴萬物樂吉士宜兆民邱園曠蒲帛
潛德氣不伸富貴亦多塗憐子長賤貧贈言溯高軌茹

歎頻酸辛

中志夢二首

饑魂躡愁雲飛墮泰山頂仙人垂素手流眸電光炯獵

獵罡風鳴笑言雜悲哽

天雞海上啼游子夢中哭袖閒一札書三閱原上綠黃

鵠期不來封淚貯魚腹

獨酌簡郭處士

質衣市斗酒爲此庭樹芳頽然就花下獨酌邀流光句
芒燭大爐雷雨爭騰驤軒軒桃李顏朱萼郁相當綴華
復結實流輝媚朝陽而我何爲者俯首甘秕稷愛子青

敦艮吉齋詩一

十二

集虛草堂

兕姿勁氣森干將拳曲書案側怒馬初縛韁垂涎意鄰
釀誰與一瓢嘗玉瓶潑新醅黃鳥鳴我旁停杯重相憶
繞樹歌清商

中秋後十日夜書嘯和尚水災詩後

貂衣肉食何爲者荒山老僧淚盈把手持一編要我讀
白日銜山繼以燭檐花熒熒燭花綠前篇水災詩後篇
水災詩中篇棄婦鬻兒詞雲愁雷歎天爲悲僧也學佛
斷頭髮禿頂童童盡成雪錦囊一串鮫人珠胸中磊塊
眼中血桑門事鬼言多誣僧也獨與羣髡殊殺青試寫
千萬本持問中朝賢士夫

鎮淮樓送黃茂才之廣東

黃生眼大空九州棄家將爲海上游霜威皚皚慘欲雪
隆冬風烈無時休蒯緱一劍鏞全澀蒙茸羶笠羊皮裘
麗譙星稀曉角動客心浩蕩難爲留五羊山川控百粵
海濱巨浪顛蛟虯任郎摧息甘遁國梁竦悒鬱思封侯
況君慷慨負磊抱闊步趨捷猿狖侔此行曠觀得奇壯
定窮句漏登羅浮尉佗墓荒寶氣盡葛洪丹訣猶堪求
桑弧蓬矢男子事炎風瘴雨愁幃憂行行馬頭白雲暗
君儻回首應淚流

風雷引

敦良吉齋詩一

十三

集虛草堂

道光癸巳月仲冬亭午大雲來天東須臾一氣四海黑
飛火燄疾金蛇紅揚沙拔木箕伯怒瓦檐唧唧啼癡龍
雄雷狂奔雌雷嘯雷部萬鬼爭驅風一聲霹靂眾雷啞
凍雨墜砌鳴琤瓏白藏已過羣動悶戰乾息坎收元功
六子分職帝所命竊發毋乃驚愚蒙酒徒不熟五行志
鑪灰坐撥心鬱忡作歌紀之獻太史老蟾倚樹光朦朧
蠶齋元夕郭四宅會飲卽席奉酬兼示秋伯兄弟

甲午

生不願封萬戶侯但願一識韓荆州我嘗誦此輒神王
對面茫茫竟誰向郭夫子磊落人終日酩酊銜金尊剖
羊魚牛作元夕小槽酒泛春江碧座中蔡家兩兄弟文

采風流冠當世人生得一知已可無恨何況數子皆奇
儁主人長歌客請和病心禁酒惟耽臥醉裏歡呼醒更
悲太白高高月將墮

伏羲山謁三皇遺像

人事幾開闢茲山猶鴻濛不知渾敦日何自竝靈蹤重
關土戴石幽澗松鳴風牛蛇固荒怪約略天人容曠思
天地始永懷肇造功草衣蝕鬼雨泥肘穿山蟲齋房一
道人手語知耳聾寂歷丹竈頽草花開茸茸噩夢兆漢
皇異教尊大雄堆金構廬舍土木人心窮浩歌下山去
去去隨飄蓬

敦良吉齋詩一

十四

集虛草堂

閻生行

鄭虔三絕世所稱今之妙手數閻生右軍肥瘦本失真
生也下筆多師承有時忍俊禁不得風流貌得簪花格
數椽屋在窮巷裏夜寒抱犬饑吞紙金徽玉軫朱絲琴
閉門自彈復自吟短檐風雨愁春陰蟹行魚歎無知音
塵埃千鈞久乃見今人唾笑後人羨憂樂莫隨凍餓變
得閒還來共筆硯

畱晉江墨龍歌贈東山道人

晉江畫龍不求似怪墨潑走雲雷風雙晴睽睽電光繞
鱗爪出沒虛無中道人百錢買得此高挂素壁銀濤空

歲方大旱要霖雨神物不合潛蒿蓬時來便爾破壁去
慎勿持之示葉公

養魚

養魚勤注水水滿健魚神漫道盆盎小能藏天地春踏
空迎月上覓食唼花頻但得濠梁意何須下釣綸

種菊

種菊一百本隨他爛漫生狂花不收拾野意自縱橫駐
得千春壽洗教雙眼明贈瓶安小朵弄影有餘清

苔

幽棲由命定秋意不嫌深卑任牛羊躡高緣松柏陰荒
苔
敦良吉齋詩一
十五
集虛草堂

淫分雨澤轉折逗冬心尙冀陽和德迴光鑒陸沈

懷仰林

仗劍忽然去崢嶸歲載陰羸衣非避地殺馬竟何心金
盡交都歇雪多山更深高堂念游子知否淚沾襟

索逋詞

門外何諠厯索逋聲如雷入門疾風霆拉雜瓶甕摧婦
歎不絕響急典頭上釵老婢更癡絕走匿呼不來時夜
漏三下明星爛如銀亟亟整巾帶欲前足逡巡故人堂
上坐餘氣猶怒曠再拜重引咎賤子請具陳賤子拙自
營牛馬走埃塵瓶中無儲粟竈下無宿薪黃金不在手

低顏向何人食蘗敢言苦食薑敢言辛甚知故人厚甚
媿賤子貧故人聞我言仰屋長吁嗟東鄰白哲郎交游
多聲華一舉擢高第前榮誼鳴笳指日得顯宦豔若錦
上花西鄰大賈兒伶俐千人誇得勢鼠變虎失勢龍爲
蛇爾何甘碌碌縮頸如老鴉拱立道唯唯故人言之良
故人且勿瞋賤子攄肝腸請今卽發憤勦力爲文章二
十通朝籍出守司巖疆三十躋卿相四十還故鄉故鄉
日優游結屋東山幽不知賢故人還來索逋不仰天笑
不絕卿言何太癡居官勝居賈金珠恣取攜一錢不持
歸作官持底爲卿言殊太癡卿言更荒唐二十通朝籍

敦艮吉齋詩一

十六

集虛草堂

出守司巖疆三十躋卿相四十還故鄉古來有幾人卿
何不自量卿頭自嶽嶽偃僂聳兩眉龐眉大牙齒鼻充
頰骨拳蹠跚肉簷諸那解飛青天鄙人雖不文竊聞長
者言文章與時務同條共貫然青紅赤白黑骨癡皮耍
妍依樣畫葫盧孟圓水亦圓聞卿好吟哦孟浪揮大篇
拗眼昆侖外張吻盤古先顛倒弄光怪自詫元又元事
事迂人意翻道師前賢烏有頭白日馬有生角年世間
如卿輩死去溝壑填故人言未已鬢眉一齊張拂衣徑
起去來者忽登堂聊爲索逋詞倚戶歌琅琅

星稀殘月墮雲木澹相亞晴蘆雙雁鳴遙天一颿卸石頭
瞰大江奮掉欲騰跨青山閱人代中原幾王霸觀方
南瀆始試及秋律乍橐中屐久蠟料理探幽駕

蟋蟀行

闌中聞蟋蟀聲悲其意作歌

郎當號舍低打頭黃油簾子燈幽幽東舍咿唔西舍睡
坐聽蟲聲不能寐是蟲雖小軀榦強能與烈士同肝腸
市上王孫爭鬻養一擲千金如反掌鎖院牆高人跡少
斷瓦橫斜掩衰草索莫何來國士知陸沈空使英雄老
一粒粟一滴水受人之恩爲人死蟲兮蟲兮有如此

敦艮吉齋詩一

十七

集虛草堂

江上同吳丈夜話

天漢斜明七曜彎夜寒虎豹守重關騰蛇噓霧疑成雨
病鶴禁風念故山遙望蓬壺隔瀛海並無管樂在人閒
華陽仙去丹厓迴明日從翁試共攀

采石弔李翰林二首

李唐政淫亂牝雞生禍胎夫子歌古風託響何其哀天
子重文章視作詞賦才跌宕萬乘前矯首思蓬萊惟有
糟邱人可以知所懷

魯連不可作繼者羊裘翁投竿釣大澤高步天地中夫
子曠代姿磊磊萬夫雄明珠落風沙白首猶羈窮精靈

儻不死應念匡山峰

天門山

鬼斧劈中斷屢屨相對開山川工設險游覽亦須才浪
掣烏江過雲連建業來沅寥津鼓歌估唱使人哀

巢湖舟中聽客談金庭之勝詩以記之

過江連日逢順風歸帆飛落巢湖中巢湖淼淼秋水闊
兩岸銀濤漾秋月孤篷夜泊風冷冷擁衾聽客談金庭
金庭山中多黃精仙人服之毛羽生石洞門封萬古綠
泉甘遠勝康王谷星壇陰森聚精怪雪白神芝比鴉大
王喬洪厓去不返會稽道人來獨晚晷饑鶴羸幾千年

敦良吉齋詩一

十八

集虛草堂

紫薇碑紀咸康前空山長松多結實山下人家好春色
客譚未竟鄰雞鳴微茫湖水搖空青推蓬一笑白鷗起
萬丈明霞掠船尾

蔡徵士園林

城西僻稱徵君宅雲鳥無心日日來列岫嵐浮松影亂
一池香細藕花開茫茫軒冕看流水落落羊求共酒杯
爲說乾嘉全盛日黃金親見市龍媒

病起同仰林登鎮淮樓

風塵多病強登臨斜日陰陰落木深極目江淮仍浩蕩
異時吳楚總銷沈百身難了古今事九死誰知天地心

賴汝狂歌破愁絕，笛聲響裂水龍吟。

悲秋一首酬嘯公

悲哉秋氣最無聊，閭闔風來萬里遙。自古聖賢同寂寞，
卽看草木也飄搖。沈憂抑抑隨淫潦，長夜昏昏信斗杓。
讀罷九歌更九辨，迷魂滿地若爲招。

雜詩四首

乙未

百川仰大海，砥柱爭中流。孤鶴鳴空山，鳳凰以爲儔。造
化挺靈秀，旁薄無不周。寒暑相代征，二氣同悠悠。泰岱
極其高，武夷極其幽。英雄與聖賢，所爭各千秋。

我生果何爲，長此勞勞者。屏營顧親交，臨訣不忍舍。東

敦良吉齋詩一

十九

集虛草堂

家老翁歿西家新婦寡，雖非相識人聞之。淚盈把拔劍
出門去，悲風動蒼野。禍患集如蝟，日月去如馬。憂來無
奈何，晤言愁獨寫。

釀酒須挫糟，種豆翻成萁。同牀不同夢，巧匠無成規。五
岳誰鼓鑄，兩曜誰設施。好鳥不同聲，好花不同姿。至道
在溲溺，羣言多糠粃。古人悵已矣，輪扁眞吾師。

夏蟲競熱響，寒蟄警衰英。肖翹感時運，得氣爭先鳴。蠕
蠕箔上蠶，寸心萬縷紫。功成不言勞，塊然齊死生。

五高士詠

嚴光

黃虞日以降三公無其人兩漢用秦法尊君而卑臣富
陽一釣竿自奉巖穴身高風灑八極百代有餘芬豹文
潛自澤龍性饑難馴不見閔仲叔投劾走逡逡

梁鴻

伯鸞狷介人志與義農期出關觀皇風乃遂歌五噫西
狩絕筆久齊魯事亦非九州競作譏異國安足依寫心
有良友偕遜有賢妻廡下一編書不翼千秋知

徐穉

往讀伐檀詩掩卷輒惆悵嗚呼盛王沒志士跡彌抗人
事有替興昊天垂厥象大廈方就傾一繩安足仗豫章

敦良吉齋詩一

二十
集虛草堂

山水幽斯人抱孤尙寂寞耕稼身名繫斗南上

申屠蟠

赤手捋虎鬚橫死百無濟峩冠佩眾香盛名翻爲累達
人炳先幾晚節尤不易英英申屠生早蔚青雲器周身
蛛善隱斷尾雞能避中郎信逸才囊頭獄中繫

管甯

大亂人心愚釜中方羣游皇穹未厭禍草竊無時休公
孫不可依華歆豈足儔去來戎馬閒飄若海上鷗乾坤
一木榻高並首陽邱首陽邈難攀滄海無安流

羅漢寺銀杏樹歌贈嘯長老

羅漢寺裏兩株銀杏樹虎踞龍拏屹相顧一株俯垂一
株仰真宰淋漓氣高爽古來材大多捐棄梵宇琳宮任
幽闕魄疊瘦懸鬼母臉槎枒榦斷羅刹臂禪房清閒絕
倚傍林泉福大眾材讓老僧比樹更奇古拄杖方袍覓
句苦偶然得句喜欲狂招邀樹底同追涼棲禽爭巢暗
撲藪時有墜果敲茶鐺卓午銀蟾下天井正照維摩雪
白頂夜闌相對起悲歌河漢西流眾星耿

秦淮水榭卽事

鈿閣新秋爽晴波拂露華履迴纖瓣小喉轉撥弦斜白
玉桓伊笛青油衛玠車野人愛杯酒默坐看飛霞

敦艮吉齋詩一

二十一

集虛草堂

謝公墩

千載兩安石墩終屬謝公桓温無遠略北府亦英雄絲
竹風流甚功名笑傲中淒涼白雞夢貝錦恨何窮

九月十五日夜同嘯長老茶話

寒夜覓君語孤吟句未成故人知我至童子遠相迎樹
密月無影霜高雞亂鳴塞翁愁得馬況乃是浮名

泗州官廨守歲酬陳八寅甫韓大俊民

官舍山中寺官真定裏僧屠蘇聚尊酒風雪鍊孤燈白
鹿知春鴛青牛卜歲登分題破岑寂呵微硯池冰

釋迦寺夜歸

丙申

羅漢寺裏兩株銀杏樹虎踞龍拏屹相顧一株俯垂一
株仰真宰淋漓氣高爽古來材大多捐棄梵宇琳宮任
幽闕磈礧瘦懸鬼母臉槎枒榦斷羅刹臂禪房清閒絕
倚傍林泉福大眾材讓老僧比樹更奇古拄杖方袍覓
句苦偶然得句喜欲狂招邀樹底同追涼棲禽爭巢暗
撲菽時有墜果敲茶鐺卓午銀蟾下天井正照維摩雪
白頂夜闌相對起悲歌河漢西流眾星耿

秦淮水榭卽事

鈿閣新秋爽晴波拂露華履迴纖瓣小喉轉撥弦斜白
玉桓伊笛青油衛玠車野人愛杯酒默坐看飛霞

敦艮吉齋詩一

二十一

集虛草堂

謝公墩

千載兩安石墩終屬謝公桓温無遠略北府亦英雄絲
竹風流甚功名笑傲中淒涼白雞夢貝錦恨何窮

九月十五日夜同嘯長老茶話

寒夜覓君語孤吟句未成故人知我至童子遠相迎樹
密月無影霜高雞亂鳴塞翁愁得馬況乃是浮名

泗州官廨守歲酬陳八寅甫韓大俊民

官舍山中寺官真定裏僧屠蘇聚尊酒風雪鍊孤燈白
鹿知春駕青牛卜歲登分題破岑寂呵徹硯池冰

釋迦寺夜歸

丙申

寺樓耽夜靜坐雨忘歸遲偶過前溪上愴然自詠詩野
桃窺淺水高柳映茅茨山月勞相送娟娟欲墮時

泗州呈劉安邱先生

民生稟五常耕桑性情厚自從刀鋸張俗弊習彌醜淮
平濱湖居荒城大如斗屢遭巨浸凶雞狗亦希有先生
惻樸人循聲徧童叟我昨經訟庭略識風化首吏舍春
草青書聲出高柳阜隸習敬恭植立儼木偶因知學道
心不落昔賢後爲政有大綱王道始隴畝姑息菩提心
險切霽憲手補苴但眼前何從致仁壽賤子辱收羅春
風坐來久感激發狂言期公以不朽

廢寺

敦艮吉齋詩一

三十三

集虛草堂

廢寺無人過幢頽亂草交僧廚腥虎氣佛頂穩鳩巢鐘
臥鏞全啞杉長枯到梢棲皇行客意迷路認花鈔

盱山試玻璃泉贈韓俊民

金鼇百尺勢崢嶸雲影泉光結伴行我似雲飛無定所
君如泉水在山清依人轉覺他鄉好懷古誰知逝者情
後之視今今視昔不妨高處共題名

沙澗早發

殘月乍辭樹輓轡起曙鴉橋崩撐亂石溜淺渡征車遠
寺赤銜日長峰青褪霞山谿鳴瀧瀧流出澗中花

許烈婦詞呈安邱先生時先生再權廬州

北門楊烈女其夫籍鬻門東門王烈女其夫貢成均有
司旌其廬風義光八垠悲哉許烈婦奇寃誰爲伸邑有
賢宰父決事稱神君烈婦有長兄詣神君自陳暴屍烈
日中青蠅弔孤魂烈婦農家女嫁與耕田民夫死翁獨
處青天雄狐奔朝出把犁鉏莫歸牧雞豚朝莫視兩雛
淚溼手巾中青廬升中堂盛粧作新人神龍一掉尾出
沒風雷雲毅然偉丈夫就義或逡巡蹈死有遲速殺身
迺成仁刺史東海彥匹婦悲覆盆我吹鄒生律冀回幽
谷春

敦艮吉齋詩一

二十三

集虛草堂

中秋後六日抵夏邱書院韓山人攜酒見過席閒
爲誦新詩喜而成醉

笑把黃金蕊聽君白雪詞幾回狂擊節不覺倒深卮水
市盤餐膩涼宵更柝遲異鄉渾忘卻粉壁可畱詩

新涼

新涼人意爽攤帙忘眠遲攫食鼠投地就燈蟲撲帷賞
幽滅獨笑境往空悲坐覺流光換長歌欲寄誰

泗州贈許寅

淇澤波兇惡魚頭萬姓殃版圖隨地改水旱通天荒冷
月識隋柳村農賽憤王惟餘老翁子潦倒負薪忙

釋迦寺退寮同馨和尙看大外子作畫
盤礴一老叟虬髯雙白睛風雲足揮霍泉石最分明旛
頂鐘初落毫端劍有聲懸崖跌坐者可足頌無生

夜坐酬韓山人

風息空光定夜色在庭樹寒鐘將雁聲宛轉自來去山
人念清暉款款道中素新知豈不樂恒焉思親故

泗州得劉安邱手書云過廬州爲畱買米錢

落落數行字言畱買米錢窮甘山鬼笑狂得使君憐準
擬塵生釜欣知突有煙楊朱苦歧路何日拜旌前

泗州城上

敦良吉齋詩一

二十四

集虛草堂

返照亂山赤蒼茫看鳥飛荒村微火動野渡一僧歸吟
嘯倚長劍風塵慣短衣故園好秋色閒殺釣魚磯

小滄園同劉使君誦嘯長老詩率成四韻

丁酉

怪道頭陀好使君亦見憐人原雲外鶴詩是湖中泉陶
令閒隨社韓公喜薦賢有才偏濩落白首伴金仙

題汪明經枯竹居冊子

澹墨寫枯竹亭開隋石邊四山白無盡一髮青相連落
葉沒行徑遙天不繫船臥遊如可假同證畫中禪

別鄧薌甫

清潁亭邊路桃花映酒壚東風吹柳絮一夜滿西湖暫

繫青驄馬同傾白玉壺歸與囊已罄袖底有陰符

渭河舟次

春夢無次第已斷復還續櫂聲搖宕人推篷豁遠目羣
山放嫩晴天與水俱綠趁虛帆影多近鄉人語熟篙師
喜便風鄰榜歌相逐暝色從西來新水月可掬高吟興
未終青蘆鳥呼宿

五月六日抵浮槎山館

歸客落春後庭荒奧草披書牀畱鼠跡苔銜蛇皮汲
水村童捷移尊山鳥窺老農感離別醉起舞花枝

夜坐自遣

敦艮吉齋詩一

二十五

集虛草堂

土室夜空闌一燈青向晨草深蟲弔月壁暗鼠窺人暫
脫輪蹄苦便與樵牧親未知高厚內何地著閒身

慈雲菴同郭處士晚眺

解帶涼風至看雲細雨迴僧寮容客坐藥圃送香來牛
背明殘照虹邊轉怒雷試緣東礪去桑下可銜杯

憶大外子四首

崖岸斷不破狂來世眼驚人疑甯封子或是李長庚巨
額連山聳方瞳夾電明醉披黑袴褶將鶴市中行
玉篆懸腰品胡盧五尺長談諧敵曼倩姿狀類文康天
外三青鳥山中一白羊自言有奇術可以佐軒皇

淮鎮開高宴花前向我歌淋漓瀉濡醉墨瀟灑舞漁蓑疊
嶂排胸出飛流應手挖寫山寫泰華寫水寫黃河

聞說錢唐上潮從天際來連雲狀奔馬對月稱揮杯君
老竟行矣曠觀何壯哉歸來應有述枚叟直凡才

東山田家二首

首夏林塘幽新秧綠於綺長瓢引遠風鰕肥魚更美鄰
翁譚稗官酒闌頭髮指叟叟辨貞佞交鉤不能已請翁
聽我歌振古都如此前山雲未落後山雲又起但得杯
中趣萬事東流水

望望東山下方塘浴黃牛野花不知名紅徧東西溝村

敦良吉齋詩一

二六

集虛草堂

婦學高髻摘花簪滿頭揮杯問田父此閒頗樂不田父
仰太息三歲兩不收連天打蠅子租吏頻徵求但願禾
稼登免作公家囚

贈相者丁山人

城北山人萬事懶日倚書堆睡到晚科頭赤腳衣蒙茸
兒童呼我爲泥龍曾詣圖南見白閣道我神仙作不得
江之裔海之滯風濤杳靄蛟龍馴看余挈著漁竿去可
似丹山碧水人

北峽關弔黃將軍

北峽關頭霜似雪北峽關前石頭滑夜深停車倚枯樹

馮弔將軍殺賊處天下傾危注意將將軍喑鳴氣殊壯
君猜相墨鼎足折豎子奄兒弄旌節北平終嫌對簿恥
鐵槍不惜捐軀死我生何幸際平康重熙累洽幅員長
里門夜開袍鼓息鈴馱犯曉嬉村龙桐山微茫皖公近
側身東祝海氛靖宜發隨音天起容蒼黃流聞聲
皖中別汪果人平飛墓人體中空空飛飛飛
羣峭霽殘雪林木森將曙踟躕對濁酒苦語不厭絮勢
交浩無常貴者故廉倨挾策千摩人安能怨歧路朱門
森畫戟列鼎倦投箸誰肯堆白璧一買驪駟顧小草不
耐霜祥金豈辭鑄勉旃副腰腹吾道在韋布

敦良吉齋詩一

二七

集虛草堂

將赴都門前夕述懷

戊戌

獻策金門遠高堂色笑違苦無含菽養敢說貢身非鸞
鍛愁塵網騶鳴感暮暉衰親憫行役重補舊征衣

荒村

荒村猶古意笳鼓入年新墓久靈翁仲窞空安社神辛
盤爭召客采帖最宜春獨有天涯客蒼黃此問津

晚過舊縣

夕陽沈斷堠牢落萬峰愁吹角盤鵬疾鳴鞭怒馬道風
威連絕塞地氣近幽州倚醉問郵卒山南有虎不

魁星歌寄王鍊師

彼何人哉跣而跛繡帶朱禪兩臂裸頂壺腹彭肌骨青
筆擡不下手黃金山魃其狀魁其名血食天下罔不馨
我聞三十六天上有三十六大帝北斗蟠挈酌元氣魁
兮小臣司天梁鼈饒狗很紛相將天雞失其杵奎壁不
能光織女低頭弄七襄巴虹糾結烏不翔誰挽雲漢分
天章道人持畫請我歌人生由命匪由他土苴木偶訛
傳訛魁兮魁兮何其多

駱駝行贈王子原大令

長安二月風怒號長安街上駱駝高磊磊巍巍意殊暇
長驅闊步天衢下前者卻立後者跪多少行人道旁避
敦良吉齋詩一
二十八
集虛草堂
況是相逢狹路閒縱有騏驥安能前君獨何爲悲迤邐
葡萄酒泛春波綠趙女燕姬色如玉男兒行樂須及時
閣道之謠殊刺促

將出輒門題壁

曉柝輒門啟燭花紅欲翻百年承養士五策亦空言余
本山林客偶隨髦俊奔釣竿浪拋卻心事向誰論
贈喜兒

的的口脂鮮春藏畫燭邊臉潮通酒漫眉月照人偏袖
闊嬌鳴鏽簾鉤誤墜鈿玉釵斜插處花餅穩金蟬

自徐州經小桃林路渴無水輞饑殊甚村嫗以泥

瓦鼎撲爨見饒喜而有作
吼吼四山秃滄涼日一丸石搏村舍小沙壓野田乾瘠
地居民古荒年水火難幸叨杯酌惠那敢望盤餐

臨淮阻雨

淹滯隨吾分湖鄉睡亦宜支牀鄰馬廐市藥問牛醫豈
怨梁園逐空懸勾漏期風雲殊草草何處是安枝

長夏雜興四首

觸熱性難耐林居手脚便糧虛思石髓雨過算荷錢寂
寂蛛捎蝶恹恹雀捕蟬白雲知我意鎮日伴幽眠

大暑亦何酷居然酷吏嚴蜩鳴殊聒耳蠅集只趨炎在

敦艮吉齋詩一

二十九

集虛草堂

竹願爲扇甘瓜莫變甜涼颺如有意望澤徧窮檐

鬱烟蒸夕照園小月來遲忙笑稽生鍛涼思鄭老卮螢

光酣露葉鵲意警風枝試驗鞋賓律成虧理可知

河朔炎蒸早還輟欣在今藝蕉深貯月循澗儼掬琴醉

逐王戎舞閒酬粲可吟温風沙噴暗猶有未歸禽

西山驛

驢倦戀秋草山橋蟬亂吟雞蹲桑樹矮犬吠稻花深湖
氣白成雨炊烟青出林客愁渾不覺日落眾峰陰

焚香

瓦鼎撲逾古雜香幽可焚風高馮作篆山小爲添雲自

適靜者性不煩君輩聞兒郎買雞舌辛苦媚紅裙

送嘯公之冶父

大師淮上來杖錫探奇秘方瞳孕秋碧手定袈裟地壯
懷不收拾望古迸幽涕我才媿夷吾低顏就窮蹟不意
老叔牙得之自方外師本儒家子讀書洞四櫃緇流勤
論述可以風有位炎風吹火雲柴車欲將逝閒雲信所
之孤芳鬱彌頓鬱律青厓顛一椽試相遲

檢故紙得左忠毅詩數首泫然有述

野狐弄斗柄殺運盡冠裳北寺刀鉗毒東林柳鎖香殘
編珍錦表浩氣壯桐鄉孟博遺言在頻教來者傷

敦艮吉齋詩一

三十
集虛草堂

漕川薛氏樓夜坐二首

時泗州許生書來
要爲雒陵之行

高齋敞夜色屋角星可數蟲聲排戶來淒清共誰語征
鴻飛且鳴似說雲路苦故園秋海棠別來纔幾許零落
塵土中誰人憐惜汝

久客脫風沙頗樂青燈味河漢澹不收几案生秋氣大
江噫餘怒虛濤濤落檐際春色無端來燈頭一花膩俯仰
惜徂年拂衣余將逝

畫松歌送吳引之還巢湖

江北久無畫松手作者昔數留晉江盛名早時動海外
晚年流落偏伴狂日抱長松換米喫枯根敗鬣愁荒唐

餘技兼能寫風雨到今尺素垂琳瑯昨見宋家兩株樹
張在蘆簾最深處一樹拔地生狡狴一樹盤攫蛟龍垂
波濤颯沓涼風颺使我坐久看移時晉江畫松得松骨
此筆韻遠將過之廬陽城中一尺雪昨夜吳生幾凍殺
扁舟襍被意態雄歸帆笑指巢湖東便好相從理釣蓬
四頂山前楓葉紅

餉軍瓶梅花歌懷韓山人

上銳下削長徑尺腹大耳皴色微黑多年老窞火氣退
畜水猶能助花力此瓶得自韓山人山人贈我長淮濱
騷亡姬刎三戶盡劫灰屢換瓶獨存薦之檀牀素馮几
伴以玉滴瘦木尊狂花膩葉入采擷案頭畱得吾家春
敝帚自貴金自賤此瓶費殺豪家羨一從我自徐州歸
數年不見山人面王家園裏好梅花拘來不問橫與斜
空梁沈沈月漸落每聞翠羽長咨嗟重簾昨被風吹透
凍裏一枝開更秀金鴨香温更漏稀草堂門掩燈如豆
翫遺芳軒曉起卽事

敦良吉齋詩一

三十一

集虛草堂

穉子折花至枝長花更馨小鬟汲金井引水注銅瓶殘
月白辭樹修篁青滿櫺道書行可把不羨子雲亭

冬晚同子固飲酒

歲宴人事艱百貨日翔貴今宵一斗春君向誰家貰城

中十日雪流民凍俱斃卽此觴豆微了卻數口費粵南
早瘡痍江東又烽燧假君席前箸請君畫大計勿謂肉
食鄙建豎本不易油燈凍虛壁朔風吼平地已矣復何
言浩歌徑成醉

嘯公自治父來旋去賦贈三首

故人山中來不知人閒事江南疊歲水狼煙照海裔鬱
鬱牛斗閒君應識奇氣

故人山中來盛言山中好山中有奇葩其名人不曉田
家采作薪奄忽隨百草

故人山中來又向山中去雞鳴向我別僕夫戒長路慙
無裘褐餓前途慎霜露

敦良吉齋詩一

三十三

集虛草堂

寄許寅獄中

河勢南來盛淮流日夜奔草茅排眾議圜土靖狂言穴
壁蝮蝮死囊頭狴犴尊慙承賦窮鳥無力拯燎原

懷高隱居姥山

高生性豁刻清苦似桃椎逕自將妻去常聞數米炊觀
巖忘反駕徂歲繫相思便弄焦門棹拏舟一問之

贈胖行者

和尙自海外來與予相遇於興國山門爲談五
岳之勝了了可聽問其名笑而不答詩以志之

西竺繙經後中原象教尊遂令魁岸士多半託空門鉢
呪滄江曉槎浮大海渾乾坤莽無極孤鶴自飛鷺

早春

己亥

早春殘雪在春意靜中知鳥路紅將闕魚牀綠漸滋攤
書欣日煖枕石愛雲遲吟罷攀庭樹因之感別離

示莊子偉二首

賈生方少年痛哭天下事子由上書時比汝長兩歲延
平倡正學年纔二十四觥觥鸞鳳雛飲啄有奇氣龍子
生魚中不入羣魚隊鉛槧與鐘彝人生各有志

我窮早奔忙革囊攜一匕所至喜借書旣夜讀數紙鞍
馬舟車閒未竟輒中止礪砢桐翼雲潑刺魚躍水朝旭
射呆恩照汝讀書几勞鞅夫何爲哨帆歸去矣

釋迦寺

七雄裂恆產俎豆亦虛器金仙入中國儒術日凋敝荒
涼淮平城浮蹤已三至昔時破僧廚今作布金地淫水
蕩城邑環堵萬家碎嗚乎大法王何不伸一臂層臺翠
題竦疊閣慈燈閣燦燦青蓮花曼衍天龍戲露山豈湧
出珠蓋不虛被未滿三峰願已罄十室費珠眉珊瑚舌
端拱儼列帝聽法羣神朝立仗百怪衛老僧雪白頂跌
坐長松翳一笑問世尊西來了何事

敦良吉齋詩一

三十三

集虛草堂

泗州喜晤曹大蜀漁莊四篤生

風騷久積激正聲墮幽渺孤蒙閔廢墜不揣思遠紹悠
悠千載事箴石仗朋好嘯歌天地閒聚散每草草文章
如五穀至味俾人飽窮居心力窄流離日月老揮手渺
煙波報章遲三鳥

濤雪軒聽雨示韓山人

篆影差池夜漏遲碧磁小椀試槍旗寂寥檐溜空庭落
恰似秋江轉舵時

黃泥坂午憩

孤樹亂雲擁柴扉逐澗斜鍊丸蛻轉糞掠食蝶窺花牧

敦良吉齋詩一

三十四

集虛草堂

豎排棊局村翁弄紡車山家風味古槐葉當新茶

丹厓子畫蘭

古墨荒愁妙入神全從爛漫見天真批風抹月無拘束
似汝蓬頭赤腳人

謝吳引之贈山水障子

新粉西偏雪色壁能養燈光通月夕護惜常防惡手疥
曠喝不許兒童刺巢湖墨精吳引之贈我山水多清奇
冰絃彈徹枕書臥嘹唳長雲雁度遲

贈昴道人

道人四明至眼似曉天星鑿斲青牛髓囊攜白馬經招

雲愁獨嘯醉月臥忘醒借問甬江上烽煙幾日停

贈厚兒

一代詩中霸君家曹子龍而翁振奇士說劍吐長鋒修學性須早文章有大宗唐兒好頭角汝更翠眉濃

守歲作

長物雖無幾也隨人照虛謀生餘石米饌客仗園蔬爛醉椒花酒關心索債車重閨燈火淨補讀未完書

安慶送安邱先生觀察閩中

海門控吳楚山勢過江雄盛代多循吏憐才屬此公捍城猶舊治築館有高風不藉司元石碑鐫萬口中

敦艮吉齋詩一

三十五

集虛草堂

王莊晚行示僕

庚子

久役識驢性泥深緩轡行爭先妨再蹶入險要持平水閘村俱沒燐高燄不明汝曹飽喫飯那識道塗情

南沙聞歌

兔走烏飛老不休河中之水向東流二分春色三分月若箇歡娛若箇愁

琵琶女子

鶉絃鳴咽泣春風一朵宮花插鬢紅不比潯陽江上婦綺羅隊隊是哀鴻

仙風坡書懷二首

四馬尾一驢驢馬同一槽馬饗使驢饑驢怒仰天號
雀驚亂飛匝樹相啾嘈鄰猫意捕雀踏折枯樹梢殺機
伏宇宙禍患陰相招士生戀微名坎壈誰能逃淮海有
奇士抗志輕雲霄毅然斷頭髮放若不繫刼跌坐說無
生笑我長勞勞思量林下盟塵狀慙漁樵

地下有酒泉天上有酒星劉伶與阮籍沒世以酒名酒
人有何樂以酒全其生奈何吾黨士嗜飲翻自刑浮雲
翳大野飄風過中庭我友中酒疾長醉無時醒北人善
釀法有酒甘且清吳歛獻妙舞趙瑟調新聲娟娟雲中
月照我金卮明後車監前車歌詩兼自懲

敦良吉齋詩一

三十六 集虛草堂

病起同余荆南登陶然亭

驟馬蹴踏車弮訇黃沙如山空中橫北人慣向沙中行
好雨逢時炆氣平病心搖蕩春衫輕出門鳩語歡新晴
窰臺日夕山氣清陶然亭上酒肉腥窮途悔輟東山耕
君才倍我猶飄零抗聲羊陟吾不能白雲杳靄鴻冥冥

任邱縣過藥王祠感憤述懷

毒婦蜜在口說士劍在舌庸醫日殺人手持寸鐵孟
浪索酬賽誰能辨工拙遂使丹橘林化作黃金穴繫余
病都中醫者誤投熱飛翻毛骨焦摧陷腸胃裂共工觸
不周山柱忽然折又如咸陽厄飛鳥不得脫殘生託微

喘千鈞繫一髮展轉稟薦中酸辛難具說皋城碧眼翁
一劑使我活銜恩膝當屈圖報草應結神農古天人萬
世食其烈繼起有岐伯親受黃帝訣淫祠布天下數子
祀幾絕飲水不尋源生民禮數缺上古氣清淑疹疫無
閒發衰薄婚嫁苦兵凶飢凍切安得數子出爲世祛天
札長桑診五會周官戒十失古之名德人輔世有鴻術

河閒懷古二首

漢代重經術繼體多賢王煌煌三雍對巨制垂琳瑯
崢嶸日華宮髦士爭翱翔高風悵已矣邱隴登牛羊

桓侯方暮年內壘日交錯尸居藉餘氣骨髓病根著豈
無起死手難進苦口藥鍼熨有良方何代無扁鵲

雄縣

林迴山脊聳匹馬下孤光峭壁雲雙縷晴天雁一行峰
巒開上谷關塞峙高陽見說陰崖上泉流石乳香

徐州渡黃河作歌

草堂花謝梁燕語零落春光浩無主東鄰老漁念羈旅
手寄雙魚剛尺五浪跡天涯奈何許河水淼淼高泊天
魚龍波暖貪晝眠蒲帆安穩風力便擊楫中流催放船

臨淮橋上歌

疾風渴欲捲水去百丈鐵鎖鎖不住天際飛來雙白鷺

浪花如雪壓枯樹記是當年泊舟處淮水鱗鱗碧似油
綠楊深處明朱樓敝車羸馬頽唐甚又過淮南古渡頭

哀王生

哀哉王生窮欲死天耶人耶吾烏知子之所以至於此
連理枝摧郭北墓北門卽是傷心路芒鞋席帽竄窮鄉
兒呻女吟不得顧靈前九飯呼呵呵麻衣淚血翻江河
青陵蝴蝶桓山鳥不及王生哀怨多昔者依君廡下居
君家烟斷絕我家瓶無儲饕風作雪愁霖俱前門後門
索債車債券疾於徵兵符十字街頭泥滑滑相將逃匿
牽衣裾我醉發狂倚樹嘯燈前脫帽君長吁東蕩南奔

敦良吉齋詩一

三十八

集虛草堂

無定止結鄰仍在窮巷裏籬豆花好秋更肥滿地青青
茁馬齒不獨飢寒兩共之茅檐風景真相似獻歲春風
生別子東北征到家亟問訊家人言子府試充前名攬
衣提榼走相賀鹿馬蒲脯告者過修德獲報古有之昔
者則信今翻疑惠政橋頭舊游處一事惟我與天知老
屋沈沈燈似雪記得當年重九節檐溜蟲吟共鳴咽我
來卻立燈影外口噤不開心斷折飢兒索乳夜中吼坐
見於腹書在手屋漏四迸燈烏有席棺昨向城南送看
君又抱西河痛石闕在口刺在眼恩怨如山白日短靡
草可榮灰可熱噫吁嘻王生四十窮到骨

白衣菴哭問渠

燕臺飢魄慘風烟直下黃河浪拍天歸櫬無家依古佛
寡妻抱子設齋筵絕交久已聞劉峻故里馮誰葬董傳
同是中郎門下士新詩和淚寄重泉

養菊

養菊不用糞恐傷花性情井泉寒倍冽秋氣晚來清籬
碎懸金盞霜酣擢紫莖雖然身似薏甘苦本分明

寄酬余三都中

魚雁天寒信渺茫燕山草樹幾經霜劉蕢祠畔秋號鬼
郭隗臺邊晚牧羊客邸薪炊應索莫侯門禮數莫疎狂
故人近狀差堪告蓑笠兼旬種菜忙

敦艮吉齋詩一

三十九

集虛草堂

人日簡張處士季西處士善卜因賦問

海濞有長鯨我欲屠作肪羣蛙鳴閭水驪龍爲傍徨我
昔逢孫公心銜紵衣德自慙口齒改鹽坂膝屢折風煙
暗雲海欲往音書隔辱金不作刀斷韋不作弦我其散
木歟夫何怨迤邐我有青銅鏡土花結重暈陽烏期不
來何由照蟬鬢我有赤文絨迴環十二幅閉置塵笥中
歲久色幽郁客有太阿劍謬用以屠狗跳梁草澤閒使
我嗟歎久巢林期一枝飲水期滿腹器敲注必傾鼎折
鉢乃覆我本猿鵠姿畏犧復忌鵬新春王正月句芒德

在木人日大吉祥請下一局卜擲塗敢忘杖冀以聆忠告

彭城四詠

白日天上來黃河地下去抱琴向雍門風大不可渡
一龍飛上天一蛇死道旁龍蛇都已矣溝草青茫茫
此翁愛獨睡睡起汲井水井水清琅琅此翁骨已死
趙宋多君子厄與陳蔡比崢嶸郊天壇凍殺陳無已

憶昔行贈周雲先

憶昔驅車適京國君先駐馬張橋側火色鳶肩綠綺裘
道旁看殺金閨客一見驚呼覓斗酒片語開心成莫逆

敦艮吉齋詩一

四十

集虛草堂

班馬潘張並載來意氣全空大河北渡河攬雄風五雲
高擁蓬萊宮羣賢濟濟趨辟雍丈夫青雲須自致驂騮
一蹶偶然事盧溝橋外草黏天笑擁吳姬逐君醉廢壘
雄關並轡過兩家詩帶幽燕氣幽燕歸來各倦游誅茅
準卜青山幽可憐一勺寒泉水仍自東西南北流彭城
山下題詩處腸斷春風燕子樓燕子樓邊秋水生思君
幾度若爲情燕雲岱雨傳消息又結鈴馱冀北行冀北
天高積霜雪我經雄山夜嘔血都門疫大不可觸君病
欲死搶地哭雞狗陳言竟何有雨絕雲收事反覆反覆
交情劇可悲烏頭馬角放君歸那知今夕尊前酒相對

悲歌淚滿衣

謝李明經惠筆

李侯贈我筆一束價比兼金珍似玉筠管磨礪湖水清
刻畫蠅頭巧蓄縮我書惡劣百無擇雞毛鴛鴦今更禿
草窗風雨悶陶泓那有銅錢買虎僕辱贈枝枝瓊樹新
助我行閒一張目草元擬論強曉事留取揮灑三千牘

荏平卽事

廉纖細雨淨浮埃泰岱春寒花未開恰值秦宮攜妓過
又逢卜式拜官來平沙日浸千峰赤大壑風號萬馬哀
天地悠悠一杯酒悲歌直上魯連臺

山東道上

敦良吉齋詩一

四十一

集虛草堂

馬首塵高日又曛郵亭花撲雪紛紛崑崙崙派全歸海
泰岱千峰有片雲草莽何堪陳大計名山終古託空文
東臯營得誅茆地便逐丹崖鸞鶴羣

蚊

炎夏煩燥螫人之物充牣庭戶故夫炳處之士
迴翔容與恍於作緣不此之慎腹背竊發迫於
療檐薰壁憤於一決抑又悖焉爰賦四韻以當
耳提

猛虎幸無翹汝能黑夜飛伏鱗愁染毒逐肉劇難揮自

占青蠅市能逃丹鳥饑紗綯觸煙損今悟火攻非
贈黑奴

主人愛夜飲月黑始還家破戶勞相守秋來菊有花眠
依苔磴暖吹訝竹風斜好待丹成日相將試絳砂

施口阻風

辛丑

巢湖一水耳三日行猶遠颿腳戀故鄉萬牛不能挽春
雪爾何來綠楊絲婉婉顧聞野哭聲憂來客腸斷登高
望洪濤白浪自舒卷誰炊莫坤維手掣乖龍返浩浩施
水流沈沈姥山晚長嘯獨歸來船頭共漁飯

清明日泊舟中廟遂登姥山訪高隱君故居不得

敦良吉齋詩一

四十二

集虛草堂

是夕大雨有趙生名錫恩者飯余遂宿山中得

詩三首因贈趙生

回飈駕逆浪掀舞蛟鼉怒飄然一葉舟逕犯中流去繫
纜忽掉頭飛鳥不敢度荒崖絕徙倚疑是鬼工鑄我有
同門友遺世此中住欲問舊隱廬絮酒醜何處
孤塔摩層霄勢與浮雲抗乾坤氣相搏天地益悲壯東
風喊如虎石頭怒欲颺空洞巨魚腹骸髒骨堪葬苦乏
漁樵資虛抱山水量悄然問歸橈風大不敢放
溼雲濛濛來日色相窺映路逢狂道士呼之不一應山
人延我飯樸率有殊敬長松翳高柏瓦渴雨聲勁春雷

騫澗過澄碧寒芒淨宵涼不成寐轉側動孤詠

楚澤樓懷古

魚行不見水馬行不見風大哉堯舜民不知岳牧功斯樓近千載過者生敬恭朝廷樹耆舊百爾秉公忠前有范希文後有司馬公至今湖墀民猶憶天章翁我來屬春仲四野何童童洪波亞高壩蕭瑟人烟空世無神禹手誰挽萬壑東尙須慈靜吏坐致桑麻豐

江上雨悶二首

江雨碎成絲江雲暗成霧搖搖行牒子貼水若雁鶩漁歌動暝色雷盤諸嶺暮春潮漾枕席澎拜欲東去山中雞聲坐待篷窗曙

敦艮吉齋詩一

四十三

集虛草堂

數椽屋棄擲久不顧蕭然四海憂渺矣一身慮默數荒維摩龕死隸泰山錄奪我巖石侶鬼伯亦何酷薄游尙羈栖中心蘊愁毒

夜坐書懷寄劉觀察廈門

病骨貪夜涼露坐心眼豁迢遙天河紆眾星水初潑電尾東南轉雨脚西北密盛夏蛇龍驕雷公不應律江南苦卑溼洪水屢降割疫氣乘閒行死亡或盡室沿淮百

萬家頻年遭河決官兵駐海上帑藏方四出婉變瀟上
軍何以總節鉞吾師山左豪忠赤古心骨孤軍廈門上
兩鬢應成雪翹首望雲海有裾不忍絕所希年歲登嘯
歌多暇日優游太平氓終焉守孤拙

睡起讀書題寄京華故人

耽闕但慵臥心跡就清迴檐虛巢燕雀簾莫日交影鍊
液百脈通浮青鑑穗耿快意吟漸高望遠興先騁沙馬
管葛儔骨朽名亦冷不意天壤閒令人憶王猛故人客
京華資望可臺省兵戈久未息澆愁獨酌酹炯炯倚昔
心迢迢雲路永

敦良吉齋詩一

四十四

集虛草堂

草菴被竊簡唐司獄晉錡

壬寅

屢空無厚儲不藉高墉比幸茲屈滄暑裘葛都已質豈
無冰雪文罪與懷璧異地廣游手多俗儻民生匱芒鞋
葛單衣古樣不時世狼藉舊春衫酒痕浣別淚所直能
幾何飲博一朝費客從院桐來征衣猶在笥禍類池魚
殃益增地主媿昨者接高譚許我託末契請爲治奸胥
一伸處士氣還我漁樵服永愜吾黨志

南京急

鎮江已不守南京又告急將軍晝閉城奸民騷難戢賊
輕乘勝來懸軍昧深入請悉發精銳躡後虛可襲陳兵

石頭下聲援共呼吸兵機貴神速官軍正雲集構敵仗
多金潰師誤長鬣狼烽照紅粉倡樓笛鳴咽倉皇朱雀
舫流殍掩面泣禍皆養癰始事漸噬臍及徒致裕溪口
老弱荷戈立

夏夜唐司獄署中讀其墨妙集書後

雨霽暑新褪涼月墮檐瓦虛堂僮僕靜坐久燭垂地蒼
然一卷詩古姿澹可把崔侯丞藍田耗除學聾啞可憐
溧陽尉窮殺孟東野我非韓退之薦士詩頻寫踟躕仰
屋歎無卷不忍捨

夜坐贈楊處士

敦艮吉齋詩一

四十五

集虛草堂

秋霖亦何惡擾我破茅屋空號夜莽蕩盆翻檐溜覆兵
家重圖志摹寫隘邊幅憐子肘似風揮斥千兔禿饑蚊
如餓虎著背那違撲殺人道家忌奇功無後福雲臺一
劍動蟲沙萬鬼哭況我文弱姿豈堪佩虎竹巨盜犯江
海中原需頗牧愁絕負薪人行歌傷祝岫衛公久不作
高閣韜鈴束虎龍蛇鳥陣不入世儒目與子坐通宵苦
酒咽寒菽眼昏且隱几漏大難伸足好待天雞鳴晴窗
共朝旭

病肺簡王太學索丹橘子

未老齒先豁吾衰亦何早比來飲啖減壅塞肚腸飽陰

邪互牽引奇瘡布手爪是實心腹疾方訣屢探討豈無
巖峻劑恐壞千金寶嶺南丹橘嘉流傳中土少君子與
小人並生造物巧攻伐元氣傷何如相化好藥石仗友
生艱危賴相保

柴門不牢夏秋再破竊唐司獄枉顧賦謝

窮居絕軒蓋野性畏官府丈人枉高駕褰裳踏秋雨相
迎不衣冠翁應知我窶方今四郊警盜賊正蠶午外戎
大可憂內患先宜杜自從夏秋交羣偷日接武思量移
家去松菊苦無主欲詣縣官訴恐遭胥吏侮平梁風俗
衰布衣賤如土知翁持古誼肝膈敢略吐

敦艮吉齋詩一

四十六 集虛草堂

六月四日檢敝簾得亡友郭處士遺詩數首愴然

有述

虎頭燕領眼如電眼中突兀夢中見世方好文君好武
醉死黃墟計誠便朝來倒篋得君詩風檐展讀坐移時
墓門夜雨青松冷知否滄江烽火馳

撫孤行爲李介夫作兼示呂生

呦呦嘖嘖燈模糊臥聞學舍鼓隴胡隴胡者云何念君
天寒無複襦君家母老雪滿顛病起尪弱無人扶師恩
耿耿久未報願君努力讀父書君能讀書我益喜白米
不厭君家需東方欲動啼早烏主人倚樹還踟躕客有

聽者攬衣起坐而長吁君不見末俗猥薄古道徂東華
西里何代無到家兄弟胡爲乎我爲撫孤行手自書之
示呂生請生發憤從茲始他日莫忘撫孤人姓李

連夕大雨夜讀廬山記睡醒有作

誰挽長江置檐下暗潮崩浪吟微風殘燈不動眾籟靜
恍惚拔宅浮空濛匡廬烟雨秋萬重懸流倒挂橫雲松
夢登五老瞰絕頂斷崖驚落晨天鐘

匯泉亭同張處士曙東作

凍雲盡斂星含芒布袍冷浸松竹光萬瓦纏冰鬪棱角
檐月窺人人影長樹頂棲鴉踏煙語起弄霜華爲君舞

敦良吉齋詩一

四十七

集虛草堂

不知此夕更千年誰憶亭中我與汝

可怪行

可怪城頭大嘴鳥啄腐餐腥腸肚飽斗然搏擊九天上
病鵠難當怒拳壯我勸病鵠勿浪悲白石清泉當早歸

可惜行

可惜君家好華屋屋上饑鳥亦蒙福風旁雨上年代多
桷崩題脫將奈何寄聲柱石行自愛莫把人家棟梁壞
臘月廿四日遣鄭僕往周雲先家迎吳四引之二

首

莫作貧家僕貧家僕最難可憐風雪緊短褐故單寒送

汝出門去梅花開正闌沿溪好攀折留供主人看
轉過青山腳塘梢帶遠村言尋失道子試叩孝侯門晚
飯紅缸細匡牀稻草温儻然訊近狀道我舌猶存

雪霽夜坐

素月出東壁照我檐雪炯庭前數竿竹雪月爭寫影流
宕窗隙閒龍蛇波萬頃鴻聲澹澹過霜氣森森警碧天
如玻璃歷劫凍應冷高吟答蟾兔奇趣默自領懷往半
鬼錄鍊形欠金餅寂寞一團蒲嗒焉忘夜永

喜雨

癸卯

志士拙自謀豐年亦懷飢春來天赤旱灑塵見亦稀二

敦良吉齋詩一

四十六

集虛草堂

麥焦欲死菜甲生不滋長星亘西方訛言驚烝黎太陽
熒眾聽久照毋乃疲禱祈亦以倦甘霖勃然施野人貪
曉起蒔花尋舊谿溼雲倚疊稠雌雷水中啼異恩會不
測應有滂沱期興至輒成句鳥語如催詩詩成歌向天
調古無人知

鋤草示兩猿

惡草隨處有逢時故欣欣卽此見地力並育無異畛吾
園雖不廣萬象同一春邪蒿久不除驕蔓遂難馴少少
來毒蛇漸漸藏餓蚊雖幽人居屢煩過客曠今朝偶
荷鋤趁茲天未曠鋤草莫鹵莽恐使嘉植湮鋤草莫因

循因循留草根草根拔不去經旬又當門荆棘能刺手
亦須加斧斤芟夷首渠魁煦煦非吾仁惡草雖然惡曬
乾堪作薪持鋤語吾兒鋤草有經綸

癸卯夏孟有芝生於西牆之根五莖一本家奴怪

而殲之芒葉芽起郁乎煥然比類有作使兒子

誦且自警也

童童頽牆下有芝車蓋張翮躑五朵雲敷采絢朝陽獸
中有麒麟鳥中有鳳凰芝兮生何爲乃在瓦礫場出土
糴百辛橫被兒童戕金風淒以厲白露行爲霜崩榛罨
其頂憤蟲鳴其旁神仙曾有言此乃不死方我心非鐵

敦良吉齋詩一

四十九

集虛草堂

石亦有肺與腸縱然得飛昇憂來安能忘顧瞻塵世人
奚用壽命長奇功挺堯階神光曜漢房商山四老人行
遯歌煌煌一應帝者期一爲隱士昌芝兮生何爲未卜
行與藏願言守臯諾以貽來者芳

十月二日吳丈克俊將有六安之行過飲草堂賦

此爲別

少耳丈人名傾蓋辱青眄相隔窮巷中數載艱一面同
是浮雲身昔別今還健長髯身玉立滿引不待勸世情
厭衰老典型重黎獻飲闌要我歌敢以腴詞衍丈人少
年時揮霍手如電通俠朱家豪風流耆卿倩革囊一匕

首腳跡天下半黃金高插天一笑頃刻散數奇萬事灰
投老信筆視今時重錢刀趨走士風變襄陽買山贖一
擲今難見孟冬氣凜冽積陰天欲霰告我將遠行曰歸
歲當宴悲哉一老翁流滯風塵倦長跪酌尊酒賦詩以
當錢

黑銀歎

客有轉販阿芙蓉膏者積產不貲羣賈居奇隱
其名曰黑銀云余數往來江湖閒見聞所及次
第其語俟采風者觀焉

隆冬一雨雪壓屋富兒坐笑窮兒哭長安牒子捆載來

敦良吉齋詩一

五十

集虛草堂

馬載騾馱泥折軸鄉中老叟苦窄粟腰裏無錢飯不足
爭似黑銀好能化黃金抵白玉黑銀者如何買從姑蘇
城經過黃雒河海邊洋艘橫長戈巢湖不動輕帆過廣
陌通衢爭列肆白晝傳觀光繳繳絕徼荒陬利孔多百
般富貴隨時世君不見陽翟賈兒白皙郎東抵海岱浮
江湘前日之日部牒到車前五馬行輝煌男兒何必入
山尋五加但得黑銀堆滿車黑銀一車金萬斛養兒何
必耕與讀君不見沿江火速兵符下連日黑銀占高價

詠史一首贈曙東

茂陵疲遠駕按籍算車船籠利張湯貴輸家卜式賢入

羊株送臧除吏武功懸休倚高文富東方饑可憐

冬夜觀留晉江松樹率題

夜闌客叩門持畫要吟詩展卷見三松筆筆霜中姿根
嵌虎露脊鱗碎蛟蛻皮老榦奮欲搏餘怒迴蚪枝斯人
多絕技垂老窮無依寄身佛寺中笑贈屠沽兒畫龍亦
殊偉溟漲翻天池一藝足千古坎壈相隨諠闐身後
名何救生前飢俗工好謗傷浪矜粉與脂棘端刻母猴
雖巧亦奚施

高塘集翻車讓鄭甲方乙

甲辰

遠行斷六親仗汝猶骨肉使車如使舟旋轉手須熟前

敦良吉齋詩一

五十一

集虛草堂

軒後必輕同力濟乃速行路無奇功安穩卽爲福自我
出門來長途事反覆屢怵破腦凶難免入坎辱天時固
不臧人謀豈云穀誰知立仗馬竟作僨轅憤出險須壯
夫汝曹太碌碌

甌門贈蔡丈佩之

甌門地偪仄曉日明重闔環之七校卒鎮以王大臣巍
峩御史臺棘垣高嶙峋雖殊辟雍制猶見選士勤北風
動黃埃浩浩車馬塵丈人殊昂然鬚髮如爛銀傑立稠
人中軒軒鶴在羣賤子草閒來歛觀公卿尊廣堂擁高
座朱帔錦重茵粉面珊瑚冠逸氣熊羆蹲丈人何爲者

高文不華身陽和布大圓萬物爭懷春耆闍泉漫流巢
湖魚細鱗歸哉復歸哉執手潛酸辛

西山行贈子原

昨登城東賣酒樓馮闌望見西山頭夕陽拖紅天盡處
鳥飛不到浮雲收連日雨大行不得好風弄晴送春月
空山無人花自發澗戶岩扉益幽絕陰厓鳴泉歎素雪
綠雲寺轉珠洞側君輩屐齒誰先折京師地大臨海隅
左龍右虎遙相趨茲山橫跨力殊偉獨伸一臂扶神都
合吸風雲闕日月靈皋奧宇天下無少室山人出山久
龍門山人牛馬走五岳盡落漁樵手爲君高歌重搔首

敦艮吉齋詩一

五十一

集虛草堂

甲辰長夏臥病都門潘舍人補之過訪出示同齒
錄垂問履貫因得讀江西吳太史序言喜其陳
誼不苟因繫以詩卽贈補之

江南乙未舉人一百三十九鳳凰麒麟靡不有賤子茫
不省某某戊戌庚子兩入都短衣席帽塵鬢羸懷中刺
字漫滅盡掉頭一笑翩然徂京師輻湊地引齒敘年仍
古誼每歲釀飲開華筵瓊歌偉舞誼沸天氈氈野鶴骨
相薄淺水寒雲自寥廓羣仙會中不插腳舍人聲價鳳
池頭高軒逕造茅亭幽袖出一本問遺漏南豐敘筆張
千秋趙宋以來重齒錄紹興寶祐事反覆狀元策頭附

和議白鹿老人坐匏繫文山疊山接踵出三甲崢嶸陸
君實中原無力莫乾坤溟漲還教浴白日岷江大河劃
天中二十八宿蟠蒼穹兩錄直與元氣相始終征鴻遡
風發寒唳秋點耑闍歸心動諸公勦力及良時要使科
名山岳重

將出都留贈王子原

與子交數年相貺無一言匪關嬾惰久豈第疾病牽念
子賜百轉萬語橫胸前低徊欲有述授簡復默然譬如
我與我形影同周旋縱有累萬語安能肖纏緜日中黑
頸鴉月中朱額蟾號寒身鳳凰悲鳴空自煎沾衲與落
溷造化何嘗偏憐子軀榦小兀傲眼插天小儒享敝帚
而子貨龍泉昨與子論琴頗得元中元炎風吹青門高
槐噪秋蟬我病倦將歸念子心拳拳一語持贈君請君
韜其絃

晚經良鄉

陰霾吞日沒暝色天東頭霜染千山赤砧鳴萬木秋高
田妨水滂野渡斷行舟負米經年久歸心雲外流

涿州懷古三首

朝登絕轡野環視涿鹿城大風揚黃沙但見羣羊鳴昔
者蚩尤氏方命干天刑有熊奮義討遂縱鴻荒兵聖人

有斧鉞造物有雷霆陽春變冰雪舒慘皆生成自從三
古降鼠偷日縱橫鼎湖悵已矣崆峒高難升

七雄際周憊士風亦已衰狗屠列上賓天下虛無才狠
秦肆狂噬拂經天常乖丹也念國恥卑禮賢豪來阿房
無尺土驪山無遺骸突兀千載下猶見華陽臺繞柱弄
祖龍驅使猶嬰孩所惜謀不臧未與漸離偕

高祖起尺劍雲祲滿天中中山有遺苗英偉人中龍少
事盧涿州晚交隆中翁淵源三代契艱難再造功其餘
翊運動一一皆英雄昊天厭赤劉龍馭何匆匆雖有伊
呂徒不救時命窮茲邦神式馮川岳猶龕崇徘徊問祠

廟浩歌激天風

敦艮吉齋詩一

五十四

集虛草堂

過東阿

縣枕荒山裏車行斷磧中盤沙蛇拱月奪隘馬嘶風負
米敢言倦苦吟仍未工長塗頻問夜隱約棗林紅

贈韓山人

一別近六載解裝榻重藉山僮本舊識茶尊笑相逐明
燈誼蹀雨雷電互凌跨今年又北走驚馬不逢駕問塗
黃河旁取道彭城下睢南人跡少遊屐開一罅昨宵偶
墮水入險氣仍霸得失且勿論誦詩可長夜

泗州城下別韓山人

山人遠送客穉子樂相從
酤酒板橋側張燈秋葦中
疏星垂短堞小犬吠鄰蓬
遙祝歸颿駛明朝有便風

護城驛早發

東光轉夜色野田白將曉
忍寒望炊煙燈火出林小
蹇驢戀棧豆行行齧霜草
海有赴壑水林有倦棲鳥
悲哉遠遊人作歌問蒼昊

夜歸二首

遠客趁夜歸路熟行步疾
欣然望廬舍朦朧庭樹密
環牆視數周積倚勢猶嘯
叩門久一磨殘月淡將沒
癡兒病踉蹌向我索棗栗
老母扶杖起怪我臉如漆
小犬念

敦良吉齋詩一

五十五

集虛草堂

故主銜裾戲相齧生還獲
殊創卽事興彌逸西園菊
已蕪草深蟲唧唧

唧唧秋方暮庭樹萎以黃
飯驢枯樹底絆腳瓜蔓長
持水祝驢飲恩怨本尋常
記昨大嶽山石頭頑莫當
汝曹巧相厄屢蹶幸不僵
妻孥閔久役笑言具壺觴
紫薑切霜菜味壓五鼎香
滹沱一片冰燕山千仞霜
夜中頻坐起愛茲燈燭光

簡子固

君去九閱月日如君在旁
臨風誦君語坐起見儀光
君言可被身短褐氣自揚
君言可療飢博大充我腸
夜臥

獲美睡晝行過康莊敢云全要領庶幾懲面牆歸塗間
有作鼎鼎充一囊積風負大翼積水浮巨航綺文不適
道所得皆秕糠周處近知學阮籍本不狂尙賴知我者
舊業重商量乾棗斂團紅殘英舒嫩黃豹皮有餘錢沽
酒亦足將走伴瀆相迆竝立以相望

雲泥相忘行

浮雲隨長風扶搖將上賓汗泥和濁水淺窪可容身浮
雲變幻本無根汗泥獨漉心純仁滋植嘉穀潛蟄鱗雲
與雲爲羣泥與泥相親汗泥自賤不羨雲高天下澤本
寥闊斗酒與君重訣絕

敦艮吉齋詩一

五十六 集虛草堂

指月亭贈張曙東

乙巳

我家小園竹裏月不及山僧亭上好龕香微紅萬籟息
今夜與君看全飽禪宮老樹多奇怪幻作兩龍立亭外
誰言黃楊怕逢閏地僻根深氣彌振山僧醉眠老耽酒
征人愛月坐忘久月落星疎天似水一杵鐘高曙鴉起
正月廿六日白沙澗泥行夜抵總鋪車夫余丙王
丁邁往益豪余閔乃勞餉以酒食聊口號

傾囊購壯夫貼危氣逾猛山行借微月仄路細如綆憤
然試孤注忍飢語頻哽星繁天宇闊燈遠人煙警車箱
足牢臥放歌興難騁蒼黃問旅店夜黑甌釜冷腐儒戀

微祿生涯抵萍梗艱辛分所甘何辜累公等餘勇期再
鼓薄償免後請明朝越西峰風沙路方迴

到京簡潘四舍人兼送什物

黃鵠翔九霄徘徊念其羣延平雙神劍會合通風雲而
況吾黨士齒宿意常新長安勢利交古道今不存愛君
風領殊感君氣誼敦奉貽不腆資聊以致懃懃臯城產
各茶古味煙霞鄰與君作午飲退食有餘芬光明萬字
紗白地無邪紋與君作中衣健茲梁棟身摺扇來南中
製比蒲葵珍願君揚仁風利見當良辰粉署接天語撰
作須龍賓贈子以二妙外元中含醇願君濡大筆吐氣

敦良吉齋詩一

五十七

集虛草堂

摩乾坤典則歸一家藻采輝千春毋徒注蟲魚耗損壯
夫神柴車苦勞頓腰痛脛不伸部牒須急投灑埽還自
親遙望南橫街玉鏡磨新痕暇卽跨驢過讀君新著文
楊忠愍公遺像

公之臨刑詩兒時愛雜誦晴霄見眉宇氣壓邱山重齋
壇候金液宰執青詞供未伸請纓議空銜積薪痛網漏
鮫鰐脫忠衰蘋藻貢鈴山與椒山一鶚復一鳳有明盛
諫諍節比兩漢眾快付保安射噩兆海甯夢直木天所
刑社樑長無用

梨園行

四座且勿誼聽我歌梨園梨園在何所高高切雲煙飛
鶯鴛層綺柱柱雙螭騫梨園中何有傾城美少年鬻從
餓殍餘澤以膏脂妍教翻安公子別聘陽臺仙雞鳴丸
門啟車蓋若流泉卿厯退直暇守令從公旋藹藹王與
侯聯鑣來梨園千金製一裝萬錢辦一筵鬱律金張宅
朱門多姬媚練日召姻婭盛服均朱鉛翠翹金腕闌白
馬錦鞍羈家家領僕從各各來梨園亦有輿臺兒豈少
鴻都賢長廊錯雜坐竟坐觀梨園歸來對虛桁目搖口
流涎萬物各有節先王戒流連雄兔變作雌家雞飛上
天人事自乖舛造物何嘗偏京東多曠土足開萬畝田
不見病坊中枕藉屍骨駢邦畿天下本四方取則焉公
卿勤論思獻替無時閒出接天下士優伶何由前漏卮
本無當禍水亦有源我歌殊直拙調古意纏緜采風儻
垂聽聽我歌梨園

三蟲歎

長安氣候別少蚊而多蠅竊羶慣登几入帷亦呼朋更
有臭蟲者赤口腹彭亨其行速如鬼繁衍盈孫曾掌摑
翻起穢草熏恐延焚五行互倚伏盛夏一陰乘蠅蚊難
究詰臭蟲尤可憎男兒生墮地出門憂患櫻虻潛水中
居蠖絲壁上騰被髮入深山山深虎豹行遠游將安之

不如返柴荆

遼陽尉歌贈永將軍

銀潢秀揭天中衢將軍英
英雄萬夫早師黃石暉
孫吳龍孫鳳子天馬駒
偉略欲銘狼居胥威聲遠震醫無閭
里門拳曲壯心熱杯酒豪談目眦裂
遼陽大盜工作賊峻法如山索不得
海風打船浪花舞將軍捉生如捉鼠
古人開邊重首功白奪人頭懸腰中
將軍不殺真英雄三尺之法定爲例
峭格崢嶸刀筆吏可惜將軍方盛年
一般閒散頻投置部曲銷沈賓客稀
林花峭蒨亭臺閣騎驢學制野人裝
射虎愁逢灞陵尉座上常容脫帽人

敦良吉齋詩一

五十九

集虛草堂

帳中妙選彈箏伎金刀夜語星辰動
牀頭猶作沙場夢葫蘆陰底勤抱甕
有時撫髀還一慟弄粉研朱作花鳥
風流愛寫湘江草餘技猶教十人了
去年洋船犯中國垓獸金魚突猖獗
誰縱長鯨入大壑坐使中原氣全奪
黃金臺高白日暮露車便下桑乾去
躑躅悲歌月將曙白溝河弔瞿都督

良將弱如奴鷹擊常用迅將軍將家種
忠勇一門僂掖門功莫就父子身同殉
於時張莊楚小馬力尤振高皇大殺勦
功臣付灰燼景隆豚犬耳媚疾事屢償
停車古戰場苦月繞重暈悲風刮河水
黃沙走青莽感激烈士

心高天不可問

白驃歎

悲乎哉君不見塵海風濤浩無際同力一心事乃濟王
良奉策騏驥前蹈險登高若平地半汪之泥一溝水咄
哉汝曹乃至此外驂中轅相掣肘僕夫鞭驃馬倒走馬
走脫纏驃怒張負轅而起神昂昂倉卒乃知驃也良汗
泥蟠蟠窘汝步前有長峰莽回互驃兮驃兮爲汝歌御
者不良奈汝何

碭縣渡河宿田舍

解裝平沙上進舟溼雲側夕陽抱殘雨中流一虹勒遙

敦艮吉齋詩一

六十

集虛草堂

天樹相倚遠岸颿如織山川信馬首生涯等雞肋羨彼
漁佃人力耕忘帝力

過郭處士故宅感賦

西風一雁叫霜晴菜圃橫斜獨自行白屋經年頰易主
黑頭無補總虛生四方弧矢男兒志杯酒頭顱兄弟情
落日寒禽共淒切九獅橋上聽鐘聲

夜歸懷嘯長老

凍禽韞韞月初升屐齒積唐折嫩冰鬧夜村厖隨客吠
籠頭絮帽覺寒增風威浙瀝灑樓鼓雪影荒寒酒市燈
倚偏石欄腸幾斷十年前此遲南能

大風不寐有懷子玉草屋

丙午

今年春風特地多一百五日風中過晚閒一雨風復大
茅飛瓦走如拋梭此時念君老草屋敗葦不葺將如何
蘆簾著席任飄撇莫教驚走籠中鵝病心展轉眠不穩
起看松月橫簾波栗留破曉踏林語辛苦催人去插禾
懶逐

懶逐眾人去忍飢常閉門方春勤抱甕引綠過鄰垣茅
宅漏難葺蒿牀席尙存惟應漢陰老此意可同論

飢犬行

士窮抱介節不乞當路憐犬飢銜主恩不食鄰舍餐人
敦良吉齋詩一

六十一

集虛草堂

生取與分微物豈不然我家黑奴好耳促身虎斑尾掉
修蛇騰睛疾流星圓疑是南斗精媿無萬石緣儻逢魏
伯陽猶可登青天三旬始一飽轉鬪常獨前在昔周天
子大蒐岐陽閒維時車馬眾選鋒能者先君儻大羽獵
願言佐皮軒

文魚

文魚花作骨涌躍晴波膩紅小燕支滑白潤銀絲細陳
身益益內吹浪荇藻媚沙蟲生來小聚族潛水裔飽食
不留餘禍機及瑣碎濠梁觀化人臨流一長喟

玉簪

花有玉簪者長柄似簪狀生從暮春交品冠秋葩上幽
香冰麝襲卑叢階檻傍美人采盈把膏沐煎多恙小軒
數窠淨新雨一花放永宜蕝姑御羞入巫陽帳
姥山歌八首
姥山團結湖心聳霞壁雲峰盪洶湧長杉翳雲澹不流
驚濤搏石險將動仙宮道士夜禮星臥吹鐵笛學龍吟
記曾風雪挈孤艇繫纜懸崖獨自聽
姥山風淨無纖霾大帆小帆相對開西光入水東光出
驪珠飛向松頭來野僧看潮磯上坐老漁被酒槍頭臥
勞勞似我竟何爲阜帽蒙頭山下過

敦良吉齋詩一

六十三

集虛草堂

姥山二月桃樹花青苔白石曲澗斜美人三五戲花下
玉腕搖宕溪中紗往年聽雨山中宿蒸藜餉黍漁樵熟
準闢茅菴縛小亭壓倒朝川笑盤谷
姥山頂上羅網稀野雞粥粥鷓鴣飛姥山腳下風日暖
水蛙各各魚鰕肥山中兒郎愛行賈東走句吳南到楚
賤取天公借石尤四海八荒斷行旅
姥山宜雨兼宜風風雨雜香開心胸老蛟跳波插大鼓
斷虹倚天彎長弓少時心猛膽氣壯浩歌醉舞崩崖上
舊日麤豪今漸知回首雲泉發惆悵
姥山幽阻中廟對孤塔高高立山臂湖前月出鳧雁語

湖後雨疾菰蒲碎野火橫斜秋樹遠斷簪蕭疏晚潮淺
篷窗徙倚悄吟詩塔頂星懸三兩點

姥山之陰破草屋中有隱者顏如玉朝掣采繩呪白雞
暮刈青芻飯黃犢呂安已死向秀悲中郎欠制郭泰碑
奇文秘笈等糞土山花野草偏葳蕤

姥山突兀夢中見帆底重看兩不厭窺人鷗鷺故相猜
排空雲石都能辨萬疊青屏天與連一道白蘋香可憐
自從歸棹辭濡口不到湖心又幾年

約園醉歌贈黃小侯兼簡蔡昂千兄弟

兒時讀書家塾中愛聽人說中丞公中丞公似龍圖翁
敦良吉齋詩一

六十三

集虛草堂

君家弱弟我舊識親見君家全盛日小年不知官府貴
戲向華堂弄金戟今日醉君小亭上被酒狂歌重惆悵
我亦頽唐非少壯世情險滑飄風過黃鍾不聲萬夫唾
君雖落寞不算貧中丞微時常凍餓卽今勢去交游寡
更無人說中丞者君不見西州流水碧於玉蔡家園林
草空綠羊曇老大不勝悲背枕闌干放聲哭

鬻釜歎

緇泥何獨漉獨漉沾人衣衣沾變黑白貴賤無常居鬻
屋猶自可鬻釜將焉炊生長貴公子珍過瓊樹枝時來
賓從滿運去親交稀昔人營田園算及銖與鎔朱提頑

似石不假羽翼飛洋煙黑比漆黃金燒作灰快馬從東
來銀鞍光歲鞋行人相聚觀吐氣陵虹霓誰憐鬻金者
赤腳泥中啼君看樂卻後何似阜隸兒

屋漏行

天公與人信不惡一雨禁住箕伯虐豆畦尚嫌嫩晴斗
竹梢細覺禽聲樂山人疎慵睡恆早夜半老龍故相攪
滂沱滿屋乾土少婦歎兒啼牆欲倒君不見春閒大麥
焦欲枯豆屑芋羹慘盡無市頭老農賣黃犢地火燒秧
秧又禿大澤當教四海滿快事何嫌一家哭乾坤事重
吾屋輕巖牆有命死生平婦人之言何足聽歌成一笑

敦艮吉齋詩一

六十四

集虛草堂

飛電明

懸又閒閒園詩八首

西園旣葺沈疴載張呻吟伏枕偶有所觸輒忽

書之都不復次第

買山資有待陋巷稱吾廬壁挂軒轅鏡庭懸薄笨車將
編高士傳未報絕交書尸寢慵朝起南山灌漑疏
小雨廉纖歇籬花半覆檐鴉巢晴翠護蛛網溼紅黏焙
茗勤看火焚香早下簾惱人雙蛺蝶飛上畫叉尖

編竹界行徑盤盤石磴紆貓蹲閒捕蝶鵲噪喜將雛嘉
蔭分鄰樹輕寒託敝襦灌園非學圃聊破睡工夫

經旬不出戶徑滿綠苔痕除卻索逋者更無人叩門學
書愁硬紙止酒愛空樽落落乾坤裏孤懷孰與論

九死餘生在搖搖藥裏懸長貧容僕懶多病覺妻賢性
野甘依隱情癡不願仙良晨頻起立扶杖立花邊

病骨知春雨將陰著意酸雷聲盤暝色花蘂勒輕寒薑
桂皆良藥雲霞卽大丹幾回思往事冰雪悸孤鞍

滑淨迴文簞支離局腳牀穿書嫌蠹癖篆壁笑蝸忙學
寫簪花格重搜服玉方偶然譚劍術壯志一飛揚

陋室何嫌陋濃開小樹花將晴鳩喚婦避雨蟻移家冀
壤無非道人生未有涯一枝棲暫穩滄海又鳴笳

敦良吉齋詩一

六十五

集虛草堂

病枕讀宋遺民錄得七截句九首

破碎河山落照哀一尊獨自向西臺浩歌擊斷竹如意
萬里悲風宋鳥來

錢塘寶氣插霄紅帝遣妖髯狎睡龍天下爭傳六義士
吳民猶說海陵公

飄零三葉慣無家本穴佯狂拜釋迦憤觸九重陳大略
老餘一妹著袈裟

魯公大節本堂堂毘毘狂奴生祭忙萬本邀人傳逆旅
四忠與世拄綱常

巒巖大塊不時宜同甫流風想見之邱隴全荒歌麥秀

人間辛苦是孤兒
白頭艱阻歎從戎
薇蕨生涯賣畫工
苦憶唐皇全盛日
飲酣自寫玉花驄

絃張灰洞宵拌酒
裝饒穹廬夜渡河
嫁與帝王翻薄命
故宮回首泣銅駝
烈日曠宜齊
獨將鸞鳳飼琅玕
冷陰房氣鬱蟠
無那螻蛄穿廡獄
宣和玉雁久飄零
野服承恩直內廷
杜曲歌聲動騷屑
家山一髮過江青

石塘秋雨遣悶二首

敦艮吉齋詩一

六六

集虛草堂

秋雨晚無用頻增
野老嗟穉禾嬌長耳
野豆臥生牙溜
疾蛛翻網牆低蟻
負花薄游無意緒
何日理歸車
秋雨使人困還如
春雨時薄寒孤枕
覺幽思小花知雲
氣兼山厚炊痕出
屋遲嫦娥耐清冷
流影到低枝

蟬

生得狷者意心與皎
日期飽宜宵露冷
鳴爲夕陽悲擇
木懷深陰投竿畏
小兒螳螂方健步
高處有危機

敦艮吉齋詩存卷一終

